Date: 23 December 1572 (?1577)

REF: GD112/39/14/14

Place: Edinburgh

From: James Douglas, 4th Earl of Morton, Regent

To: Colin Campbell of Glenorchy

Address: To our traist freind ye Laird of Glenwrchie; endorsed: My Lord Regentis

warrand for payment of the Martymes Compt 1577 (sic) to George Fleet

Richt traist freind efter maist hertlie commendatioun. The Comptrollair be avise of the Counsale hes maid assignation of certane of the propertie to the sustentation of our hous of the Martinmes terme bypast and in tyme cuming amangis the quhilk is zour males of Dischoir and Toyer. Quhairfoir we will desyour and pray zow effectuislie that ze will caus the Martinmes maill of that lordship be deliverit to the berair heirof Archibald Douglas masyour. And yairupoun to ressave our servand George Auchinlekkis acquittance quha be ordour of the assignation (quhilk ze may perceave) is appointit ressaver of the haill. And sua traisting that ze will begin the gud paiment that vtheris be zour exemple may do the like quhilk we will ressave as acceptable plesir at zour handes. Committis zow in the protection of Almichtie God. At Edinburgh the xxiij of December 1572.

Zour assured freind James, Regent